



Schnee in Mallorca – ein Gedicht

Beitrag

Winterfreuden auf Mallorca ?

*Wega'm Schnee is bestimmt Koana auf Mallorca gflogn.
Den ko ma bei uns dahoam öfta und vui billiga hobn.
Manchmoi braacht ma bloß vor d'Haustür geh
und scho is ma mittn drinn im Schnee.*

*Mia dahoam san aus-gstatt mit warme Sacha.
A plötzliche Kältn tuat uns net vui ausmacha.
Wintastiefe und warme Mäntel, ois is parat.
I glaab net, dass irgendoana an Handschuah auf Mallorca mitgnomma hot.*

*De Urlauba könnan jetzt am weißn Schneestrand spaziern
oder am bestn im Meer drinna flaniern.
I ko ma vorstelln, dass des Wassa wärma is ois d'Luft.
Do brauchan s' net amoi a Badekluft.*

*Zum Abfrischn brauchan s' bloß ins Freie geh.
Wia in da Sauna, is es net schee?
Aufpassn müassn s', dass s' net mit de Zehan fest friern,
und dabei eahna Hornhaut valiern.*

*Sportgschäfte taatn an Haufa Absatz macha
mit oite, ausrangierte Wintasacha.
De Urlauba werdn net am Geld sparn.
Hauptsach, si fühl'n sich warm.*

*Steppjackn taatn wia warme Semmeln weg geh
und vielleicht aa etliche Langlaufschi.
Mit dene könnan s' am Schneestrand entlang marschiern
und dabei des höchste Gschau kriagn.*

*Sowas is in Mallorca no nia do gwesn.
Do ko ma an Ballermann ganz vagessen!*

Gedicht und Foto: Marga Leingartner



Kategorie

1. Allgemein

Schlagworte

1. Gedicht
2. Mallorca
3. Schnee